

A Sergiu

Tù sì natu campagnolu
sbucciato in la cuccagna
di l'alivi di Balagna
ùn lu senti u paisolu
chì ti pienghje è chì si lagna
figliulellu di Balagna

Tù currii per e strette
eranu l'ore sebiate
mezu à rise è ciarlate
Tù battii e cullette
Di vaghjime inargintate
cusì care e to cuntrate

Da u pinzu à a vela u ventu
furiosu è scatinatu
manda via issu lamentu
lamentu di u disgraziatu
in u frombu di u spaventu
da l'umanu stantaratu

Tù sì andatu à a scola
di corsa per a stradella
à latu di to surella
per i chjassi di a scola
erate una manatella
per beie à a funtanella

Tù ch'ai scupartu un ghjornu
l'amicizia a più cara
è i canti d'una tarra
tù ch'ai capitu un ghjornu
i colori d'una sarra
è l'adori d'una tarra

Da u pinzu à a vela u ventu

**furiusu è scatinatu
manda via issu lamentu
lamentu di u disgraziatu
in u frombu di u spaventu
da l'umanu stantaratu**

Tu ch'ai vulsatu dà
à i toii u t'ardore
E' po tant'è tantu amore
Tù ch'ai vulsatu dà
Suminatu avii un fiore
ma hè granatu u dolore.